

**SPORTSKO RIBOLOVNI SAVEZ
BOSNE I HERCEGOVINE**

Ulica Ive Andrića 4.
71123 ISTOČNO SARAJEVO
E-mail: srsbihk@gmail.com
Facebook: RIBOLOVNI SAVEZ BiH
WEB SITE: srsbih.com/web



**СПОРТСКО РИБОЛОВНИ САВЕЗ
БОСНЕ И ХЕРЦЕГОВИНЕ**

Улица Иве Андрића 4.
71123 ИСТОЧНО САРАЈЕВО
E-mail: srsbihk@gmail.com
Facebook: RIBOLOVNI SAVEZ BiH
WEB SITE: www.srsbih.com/web

SPORTS FISHING ASSOCIATION OF BOSNIA AND HERZEGOVINA

Tel: 00387 61 217 870 ,
Tel/ Fax: ++387 33 485-719
Ž.R. **1610000012560056** Raiffeisen bank BiH
ID=**4200830340002**

BROJ:127/2018

USVOJEN NA UO SRS BIH

P R A V I L N I K

***O SPORTSKO RIBOLOVNIM TAKMIČENJIMA U
TAKMIČARSKOJ DISCIPLINI
«LOVU RIBE MUŠICOM- FLY FISHING»***

Sarajevo,07.04. 2018.godine

Na temelju članka 32.17. Statuta sportsko ribolovnog saveza Bosne i Hercegovine, dopuna i izmjena Pravila takmičenja u međunarodne FIPS - Mouche Federacije, Upravni odbor SRS BiH na sjednici održanoj dana **07.04.2018.** godine u Istočnom Sarajevu donosi izmjenjen i dopunjen:

P R A V I L N I K

O SPORTSKO- RIBOLOVNIM TAKMIČENJIMA U DISCIPLINI „LOV RIBE MUŠICOM – FLY FISHING“

Član 1.

Ovim pravilnikom usklađuju se Pravila za sportsko ribolovnu disciplinu „Lov ribe mušicom-Fly Fishing“ sa pravila međunarodne ribolovne FIPS-MOUCHE Federacije, za sve kategorije u mušičarenju, a u organizacijskoj strukturi Sportsko ribolovnog saveza Bosne i Hercegovine (u daljem tekstu SRS BiH)

Član 2.

Pravilnikom su obrađeni:

1. NAJECATELJSKA-TAKMIČARSKA STAZA-karakteristike -struktura
2. NATJECATELJSKE TAKMIČARSKE KATEGORIJE
3. ORGANIZACIJA NATJECANJA-TAKMIČENJA
4. OPŠTA PRAVILA NATJECANJA-TAKMIČENJA pojedinačno i ekipno
5. NATJECATELJSKI / TAKMIČARSKI PRIBOR, oprema
6. ORGANIZACIJA NATJECANJA/TAKMIČENJA
7. SLUŽBENE OSOBE-TIJELA NA NATJECANJU/ TAKMIČENJU
8. SUĐENJE,EVIDENCIJE,
9. UTVRĐIVANJE PLASMANA NA NATJECANJU-TAKMIČENJU
10. KAZNE ODREDBE za učesnike SRT u Fly Fishingu-mušičarenju
11. PROGLAŠAVANJE I OBJAVA REZULTATA
12. SASTAV SPORTSKO RIBOLOVNIH NATJECANJA-TAKMIČENJA U SRS BiH
13. OBRAZOVANJE MUŠIČARSKE REPREZENTACIJE SRS BiH
14. PRELAZNE I ZAVRŠNE ODREDBE

- TAKMIČARSKA STAZA - karakteristike-struktura

Član 3.

Takmičenje se izvodi na brzim salmonidnim vodotocima, ujednačenog toka minimalne dubine 10 cm., a takmičenja na jezerima provode se gdje postoje prostorne mogućnosti za organizaciju sektora i plov čamaca to za onoliko čamaca, koliko je potrebno da se provede takmičenje, poštujući uslove razmaka među čamcima (Min.40 metara) i sigurnost učesnika takmičenja.

Član 4.

Kod pojedinačnih i ekipnih takmičenja staza se organizuje: Startna mjesta moraju biti širine mjereno uzvodno za domaća takmičenja **50-70** metara, za takmičenja u okviru Jadransko-podunavskih zemalja, **100** metara, za organizaciju svjetskih i evropskih prvenstava **200** metra. Takmičarska staza po mogućnosti mora biti pregledna i da ima mjesta za ulaske takmičara (pristup) sa puta očišćen. Početak i kraj startnog mjesta jednog takmičara treba obilježiti bijelom ili crvenom vrpcom (trakom) koja se postavlja preko rijeke i time označava kraj jednog i početak drugog startnog mjesta.

U prostoru startnog mjesta mogu se kretati samo takmičari i rubno sudije, sudije mjerači i kapiten ekipe kojoj takmičar pripada. U okviru jednog sektora ne smije biti prekida između startnih mjesta kod domaćih i JPK takmičenja, to znači da startna mjesta jednog sektora moraju biti jedno do drugoga u kontinuitetu, dok kod Evropskih i Svjetskih prvenstava mogu biti prekidi između startnih mjesta. Takmičarsku stazu obilježavaju Glavni sudija sa sektorskim sudijama i predstavnikom domaćina.

Član 5.

Takmičarska staza se ne smije prije početka takmičenja poribljavati najmanje 3 mjeseca. U slučaju da se staza poribi, pred takmičenje, a to utvrdi Takmičarska komisija SRS BiH, rezultati se neće verifikovati, a odgovornost će snositi domaćin takmičenja i nadoknaditi troškove SRS BiH zato što takmičenje nije verifikovano, a ostvareni su bespotrebni troškovi.

Član 6.

Kod ekipnog i pojedinačnog takmičenja cjelokupna staza se dijeli na sektore čiji je broj u pravilu tri, ili je broj ovisan o broju takmičara u ekipi koji može biti i 5. Najveći dozvoljeni broj takmičara u jednom sektoru je jedanaest (11) kod pojedinačnog domaćeg takmičenja.

Svaki sektor se mora propisno označiti. Startne pozicije unutar sektora trebaju biti numerisane po redoslijedu (A1 do.... An, počevši sa uzvodnom granicom prema dolje na tekućim vodama. Na stajaćim vodama, startne pozicije trebaju biti numerisane u smjeru kazaljke na satu. Početak i kraj sektora mora biti obilježen tekstom i slovnom oznakom (rimski brojevi) na posebnoj tabli napisan reflektirajućom bojom koja je uočljiva.

Takmičar ne smije pecati sa bilo koje vrste mosta, ispod visokonaponskog električnog dalekovoda u toku trajanja takmičenja.

Takmičari mijenjaju sektore po slijedećem rasporedu; **iz sektora I (jedan) takmičari idu u sektor II (dva), iz sektora III (tri) takmičari idu u sektor I (jedan) itd.**

Svaki takmičar na sebi mora imati oznaku startnog mjesta, a koja mora biti točno upisana i u startne liste (napr: A2, B7,C3 itd.). Takmičari se obilježavaju obavezno velikim slovima abecede ili azbuke. Ako takmičenje traje dva dana (2 kola) pravi se za svaki dan nova startna lista za svakog takmičara, a za drugi dan žrijebanje se vrši prije početka takmičenja drugog dana ili tog dana. U toku jednog dana kod ekipnog takmičenja može se organizovati takmičenje maksimalno u **tri kola i to (3x2) sata**. Između kola obavezan je odmor od min 45 minuta.

- TAKMIČARSKE KATEGORIJE- starosna struktura

Član 7.

U takmičarskoj disciplini „FLY FISHING-KLASIČNO MUŠIČARENJE održavaju se EKIPNA takmičenja „POJEDINACA“ u kategorijama određenim prema starosnom uzrastu:

- **Juniori od 14 do 18 godina starosti,**
- **Seniori od 18 do 60 godina starosti.**

- ORGANIZACIJA TAKMIČENJA

Član 8.

Takmičarska (Natjecateljska) komisija SRS BiH verifikuje vodotoke na kojima se mogu organizovati takmičenja u Fly Fishingu- mušičarenju o čemu se izdaje certifikat domaćinu. Na temelju konkursa Takmičarske komisije za narednu godinu, Sportsko ribolovna društva kandidati za suorganizaciju takmičenja-domaćina takmičenja koja organizuje SRS BiH, prijavljuju se na Konkurs, a odabir domaćina vrši TK SRS BiH i o tome pravovremeno obavještava domaćine, a podatke javno objavljuje na WEB SITE I Facebook portalu SRS BiH putem Kalendara takmičenja za tekuću godinu.

Sa domaćinom Prvenstva najmanje 2.mjeseca prije početka takmičenja mora se potpisati Protokol kojim se regulišu prava i obaveze domaćina i SRS BiH u organizaciji prvenstva. Osoba zadužena za izradu i ovjeru Protokola je Komesar mušičarske lige.

- OPŠTA PRAVILA TAKMIČENJA – pojedinačno i ekipno

4.1 LOV NA RIJEKAMA

Član 9.

Vrijeme takmičenja određuje domaćin takmičenja zajedno sa Komesarom lige ili TK SRS BiH i isto se dostavlja svim takmičarima i sudijama putem satnice takmičenja.

Dužinu odmora određuje Glavni sudija, vodeći računa o udaljenosti među sektorima, konfiguraciji terena i broju sektora. Sa ovim podacima upoznaju se svi takmičari na zvaničnom otvaranju takmičenja prije žrijebanja.

Član 10.

U PREMIJER LIGI pojedinačno, takmičenja traju minimalno 3 sata u jednom sektoru te u jednom danu 2 kola, s tim da se promjena sektora vrši sa odmorom od min. 60 minuta. Dužinu vremena trajanja takmičenja u jednom sektoru, prije početka, određuje Glavni sudija, i može biti veće od propisane u ovom stavu.

Kod KUP-a BiH, ekipnog takmičenja, takmičenje se odvija u tri sektora za jedan dan. Takmičenje se održava 1 dan, a u svakom sektoru traje min. 2 sata sa odmorom poslije svakog sektora od 60 minuta. Kod JPK takmičenje traje dva dana i takmičenje u svakom sektoru traje 3 sata, a vrhovni sudija određuje kolika će prvog dana takmičenja trajati pauza između dva takmičenja po sektorima.

Član 11.

Plasman ostvaren u tekućoj godini računa se za narednu godinu i kao pravo nastupa u državnim ligama i KUP takmičenjima koja organizira SRS BiH.

Član 12.

Na takmičenjima se boduju sve ulovljene ribe minimalne dužine 200 mm.

Član 13.

Kod ekipnog takmičenja, takmičarsku ekipu u principu za domaća takmičenja čine tri takmičara, jedna rezerva, te trener ili vođa ekipe-kapiten. Početni sektor za takmičara se izvlači žrijebom.

Takmičari iste ekipe moraju biti u različitim sektorima (A, B, C, D, E). Takmičari koji su prijavljeni kao pojedinci žrijebom se raspoređuju u različite sektore, ali tako da prijavljeni pojedinci moraju biti u različitim sektorima. Raspored takmičara putem kombinacija mora se kod ekipnog takmičenja napraviti tako da jedan takmičar u 3 sektora ne može nikad imati isti startni broj kao niti da takmičar jedne ekipe može doći na mjesto na kome je bio član njegove takmičarske ekipe. Ovo se postiže ranijom izradom odgovarajućih Kombinacija.

Član 14.

Kod žrijebanja sektora za ekipna takmičenja, vođa ekipe prvo žrijeba sektore za takmičare, po već ranije napravljenom redoslijdu takmičara, izvlačenjem loptica označenima sa A, B, C, ukoliko je takmičenje u tri sektor, odnosno, A, B, C, D, E, ukoliko je pet sektora, te potom žrijeba odgovarajuću Kombinaciju startnih brojeve za cijelu ekipu, što sekretar Komesar lige odmah evidentira u Dnevnik takmičenja, a potvrdu gdje se i na kom startnom mjestu nalazi koji takmičar ekipe daje vođi ekipe, kod domaćih takmičenja, koji je dužan upoznati članove svoje ekipe sa startnim mjestima. Dok kod JPK-a kapiteni povlače samo broj kombinacije za svoju ekipu, a sa startnim mjestima po sektorima Glavni sudija upoznaje takmičare 1 sat vremena pre početka takmičenja u samom sektoru.

Član 15.

Takmičar mora sam izvući ribu meredovom (mrežom) koju odlaže u končastu mrežu čuvaru najmanje dužine 1.5 m sa obručima promjera 30 cm koja mora biti tako posatvljena da kroz nju stalno protiče voda. Riba se mjeri na kraju sektorskog takmičenja uz obavezno prisustvo dvojice sektorskih sudija i susjednog takmičara koji zajedno utvrđuju dužinu ribe. Ribu iz mreže čuvarke vadi sam takmičar i sam je odgovoran za istu, to jest ukoliko mu riba ispadne u vodu pre nego što je stavi u korito za mjerenje i ista se neće bodovati.

Član 16.

Za vrijeme takmičenja, takmičar smije ulaziti u vodu u okviru svog startnog mjesta i kretati se po istom po slobodnom izboru stići da je u stalnom kontaktu nogama sa dnom rijeke, to jest zabranjeno je preplivavanje na drugu obalu. Ne smije prelaziti u tuđe startno mjesto. Između startnih mjesta ne postavlja se razmak (neutralna zona). Takmičar mora odrediti mjesto za mrežu čuvaru pre početka takmičenja i istu više ne smije pomjerati do kraja takmičenja u tom sektoru. Tehnika lova je po slobodnom izboru.

Član 17.

Ukoliko ulovljena riba otpлива u zonu zaštite, takmičar smije privlačiti samo ribu iz svoje startne pozicije, te je smije izvaditi unutar svoje startne pozicije. Ukoliko ulovljena riba otpлива u susjedno startno mjesto, te ukoliko takmičar iz susjedne pozicije nema primjedbi, takmičar ima pravo privući ribu iz svoje pozicije, te je izvaditi samo unutar svoje pozicije. Ukoliko takmičar iz susjednog startnog mjesta ima primjedbu, takmičar ima najviše 5 minuta da izvuče ribu iz susjednog startnog mjesta u ili je privuče u svoje startno mjesto.

Član 18.

Zbog nepropisanog načina lova prihvaćanja i vraćanja ulovljene ribe, neće se priznavati ulov:

- Ako riba nije izvučena iz vode i mjerenje se vrši u vodi bez prisustva susjednog takmičara,
- Ako je riba prihvaćena u vodi rukom i nosi se u mrežu čuvaru rukom,
- Ako je riba zakačena van predjela usta za tijelo,
- Ako nije prihvaćena meredovom / mrežom u vodi,
- Ako je riba ulovljena van startnog mjesta u tuđem startnom mjest,
- Ako je riba pri zamaranju izišla iz startnog mjesta i prešla u susjedno mjesto, a susjedni takmičar to nije izričito odobrio,
- Ako je riba ulovljena neadekvatnim priborom uz korištenje indikatora ulova,
- Ako je riba ulovljena nepropisnom mušicom (sa kontra kukom),
- Ako je riba mrtva ili polumrtva u mreži čuvaru smatra će se donešenom ribom i ista neće biti mjerena,
- Ako se utvrdi da je susjedni takmičar dao svoju ribu svom kolegi takmičaru,
- Ako ribu donese neko sa strane koji nije takmičar nego posmatrač takmičenja.

4.1. LOV RIBE VJEŠTAČKOM MUŠICOM NA JEZERIMA IZ ČAMCA

Član 19.

Lov na jezeru obavlja se iz čamca. Jezero se smatra kao jedan sektor ili u Premijer ligi može biti podijeljeno u 2 sektora. U svakom čamcu može biti samo 2 takmičara i 1 sudija. U slučaju kada se takmiči neparan broj takmičara potrebno je pronaći zamjenskog takmičara koji će loviti u čamcu sa onim takmičarem koji ostane žrijebanjem sam u čamcu stići što se njegov ulov ne buduće.

Član 20.

Za lov na jezeru moraju postojati čamci koji su licencirani od strane Takmičarske komisije i istu moraju biti iste klase, a i po mogućnosti istih dimenzija i opremljeni istom opremom (motorima, veslima, parašutom).

Član 21.

Za vrijeme takmičenja u čamcu se nalaze 2 takmičara i vozač čamca - sudija u sredini. Sudija vozač čamca vozi čamac na određenu poziciju na jezeru unutar sektora, koju odredi kapetan čamca kojeg takmičari biraju između sebe na taj način što bacaju novčić ili dogovorom između sebe. Pozicija sudije i takmičara data je na šemi koja se mora poštovati. Takmičari love tako da oba takmičara zabacuju u istom pravcu i jedan zabacuje u lijevo, a drugi u desno od sudije. Jedan takmičar je kapetan 90 minuta, a drugi takmičar preostalih 90 minuta. Ovo se takođe odnosi na zamjenskog takmičara kod neparnog broja takmičara. Kapetan čamca, sudiji - vozaču čamca ima pravo narediti gdje da se vozi čamac, gdje da se zaustavi (ukotvi pomoću zaustavnog sidra (parašuta). Takmičar nema pravo voziti čamac, niti mu to sudija - vozač čamca smije dozvoliti.

Član 22.

Iz čamca se lovi iz sjedećeg položaja, a prilikom zamahivanja ne smije se ustajat osim u slučaju kada se riba stavlja u meredov. Takmičar smije ispod sebe (na klupu u čamcu) staviti jastučić do 10 cm debljine radi udobnosti. Prilikom lova takmičari i sudije moraju se pridržavati sljedećeg:


22.1- Svaki takmičar ima pravo da upravlja čamcem u jednakim vremenskim intervalima. Odluka o tome koji će takmičar biti prvi kapetan u čamcu donosi se bacanjem novčića.

22.2- Sudija vesla po zapovjedi kapetana na određenu poziciju, ili koristi ekološki motor na struju.

22.3- Zabranjena je upotreba motora na gorivo i samo se koriste motori na električni pogon (eko) motori.

22.4- Sudije moraju paziti da se čamci u sektoru ne približavaju manje od 50 metara, jedan drugom, osim iz sigurnosnih razloga ili nužnih razloga,

22.5.- Hvatanje ulovljene ribe mrežom mora učiniti takmičar ili sudija - kontrolor ukoliko takmičar zahtijeva. Ako čamac ima parašut (padobran - kočnicu za zaustavljanje čamca) on ga ispušta u vodu kada mu za to odobrenje da kapetan čamca. Ovaj padobran služi i kada puše jak vjetar da se čamac kreće sporije i za druge namjene se ne smije koristiti.



POLOŽAJ TAKMIČARA I SUDIJA U ČAMCU

22.6.- Čamci moraju biti izvezeni najmanje 10 minuta prije početka takmičenja, kako bi takmičari imali dovoljno vremena da na vrijeme stignu na poziciju sa koje će započeti takmičenje.

22.7.- Tokom takmičenja, takmičari moraju sjediti na fiksnim sjedištima, ali mogu koristiti jastuk debljine najviše debljine do 10 cm od materijala po osobnom izboru.

22.8.- Takmičar ima pravo ustati - stajati samo prilikom hvatanja ribe u meredov, a ostalo vrijeme takmičar mora ostati sjediti na svojoj stolici.

22.9.- Samo sudija - kontrolor ima pravo upravljati čamcem, koristiti vesla i motor za pogon čamca po potrebi.

22.10.- Ulovljena riba od strane takmičara se stavlja u meredov, sudija istu mjeri, kontrolirše kontra kuku i evidentira ulov.

22.11.- Riba kada se nalazi u meredovu sudije, ona je u njegovoj nadležnosti. Ako sudija svojom krivicom ispusti ribu dužan je upisati ribu takmičaru koji je ulovio, bez saglasnosti drugog takmičara, a upisuje se prosječna dužina svih ulovljenih riba u tom sektoru.

22.12.- Dozvoljeno je loviti sa tri muhe i to nimfe, suhe, strimeri, sve kombinacije su dozvoljene.

22.13.- Dozvoljena je upotreba inter-medijalnih, tonućih, plivajućih i kombinirajućih šnura gdje je 4, 5, 6, 7 ili 9 metara tonuće, a ostalo plivajuće.

22.14.- Sudija kod sebe ima startnu listu u koju upisuje broj ulovljenih riba i dužinu, a na kraju takmičenja takmičar napušta čamac, mora potpisati startnu listu, a istu mora ovjeriti i drugi takmičar u čamcu koji ovim potvrđuje da se slaže sa upisanim ulovima drugog takmičara.

22.15.- Takmičenje na jezeru počinje na znak sirene kojom glavni sudija označava početak takmičenja u sektoru, a takmičenje se završava signalom sirene Glavnog sudije koji označava kraj takmičenja na jezeru.

22.16- Takmičar nema pravo svojom šnurom da prelazi zamišljenih 180 stepeni i zabacuje u sektor svog kolege takmičara iz čamca. Isto tako za nestručno zabacivanje i ponašanje u čamcu može dobiti opomenu ili isključenje, o čemu odluku na prijedlog sudije iz čamca donosi sektorski sudija ili Glavni sudija takmičenja.

22.17.- Kod lova iz čamca lovi se samo sa jedne strane čamca nikako iza leđa.

22.18.- Svi takmičarski čamci moraju biti istih dimenzija, dizajna, strukture i snage motora.

22.19.- Glavni ili sektorski sudija mogu za kontrolu takmičenja koristiti poseban čamac, ali ni u kom slučaju ne smiju svojim kretanjima unutar sektora ometati takmičaree i druge čamce.

22.20.- Broj osoba u čamcu ne smije prelaziti propisani kapacitet čamca.

22.21.- Čamci trebaju biti opremljeni prslucima za spašavanje za svaku osobu na čamcu, kao i signalnim uređajima za privlačenjem pažnje u hitnim slučajevima.

22.22.- Veličine i vrste riba mogu se bodovati, samo ako su o njima podaci dati u satnici ili biltenu TK SRS koji je objavljen na **WEB site prije takmičenja**.

22.23.- Takmičar u čamcu smije imati rezervni štap i rolu. Jedan štap može biti kompletiran, a ostali u futrolama.

Član 23.

Domaćin takmičenja obavezan je organizovati kroz satnicu takmičenja najmanje tri sata treninga za svaku vrstu lova (rijeka i jezera) za takmičenje koje slijedi, na rezervnoj stazi ili sličnim vodama za svakog takmičara ili ekipu. Trening se utvrđuje satnicom takmičenja i obično se provodi dan ranije prije zvaničnog takmičenja. Zabranjeno je obavljati trening za takmičarskoj stazi. Korištenje staze za vrijeme treninga se ne plaća uz uslov da se pravovremeno prijavi dolazak na stazu, domaćinu takmičenja što se propisuje u satnici takmičenja.

Član 24.

Takmičiti se mogu samo članovi koji imaju važeću takmičarsku knjižicu SRS BiH, a platili su takmičarsku taksu za tekuću godinu i uplatili propisanu kotizaciju za takmičenje, te moraju posjedovati ribolovnu dozvolu matičnog udruženja i člansku kartu entiteskog Saveza. Za kontrolu ovih podataka zaduženi su Komesar lige i Delegat takmičenja.

Član 25.

Kod ekipnog takmičenja ekipa ima pravo za uvođenje rezervnog takmičara. Pismenim putem se Delegatu podnosi zahtjev za uvođenje rezerve. Kapiten tima - vođa ekipe treba napismeno opravdati navedeni zahtjev najkasnije 30 minuta prije početka takmičenja u sektoru. Vođa ekipe može i u toku samog takmičenja zamijeniti bilo kog takmičara, ali uz prethodnu suglasnost Glavnog sudije i prijave zamjene kod sekretara - komesara takmičenja. Rezerva nastupa u sektoru i na

startnom mjestu gdje se trebao takmičiti takmičar iz njegove ekipe kojeg on mijenja koristeći pribor zamijenjenog takmičara. Zamijenjeni takmičar u jednom sektoru ima pravi nastupa u slijedećem sektoru što se ponovo najavljuje pismeno sekretaru takmičenja (ovo važi samo za ekipna takmičenja).

- TAKMIČARSKI PRIBOR - štapovi i oprema


Član 26.

Takmičenje se obavlja slijedećim priborom:

- Štap po slobodnom izboru ne duži 366 cm
- Rola po slobodnom izboru
- Takmičarska šnjura po slobodnom izboru
- Najlon - silk za predvez po slobodnom izboru, promjera po procjeni
- Mušice veličina po slobodnom izboru bez kontra kuke. Trup mušice ne smije prelaziti dužinu udice. Udica mora biti originalna, a ne modificirana, to jest „stisnuta“ i da ne zapinje.
- Čizme – hlače sa nogavicama
- Prsluk sa mjestima za spremanje muha
- Kutije sa muhama
- Polarizacione naočale
- Kapa ili ribarski šešir
- Meredov za iznošenje ribe na mjerenje
- Predvezi na šnjuri mogu biti maksimalne dužine 2 štapa
- Končana čuvarica dužine 1.5 m s obručima prečnika 30 cm

- Takmičari mogu imati rezervne štapove namontirane i spremne za takmičenje kod takmičenja sa obale rijeka i jezera.
- Takmičari su osobno odgovorni za zaštitu svoje opreme.
- Moguće je koristiti sve vrste tvornički proizvedene šnure: plutajuća, tonuća ili tonući prednji dio, osim lead core strune.
- Takmičarska šnjura za mušičarenje treba biti najmanje 22 (dvadeset dva) metra dužine.
- Šnjurama za mušičarenje nije dozvoljeno dodavati dodatke za tonjenje ili plutanje. Shooting heads nisu dozvoljeni.
- Dozvoljen je samo jedan predvez, maksimalno dve dužine štapa.
- Predvezi mogu biti sa 1 čvorom, sužavajući ili jednake debljine.
- Na predveze nije dozvoljeno dodavati otežanja niti plivajuće indikatore.
- Takmičari mogu koristiti plutajuće ili tonuće mušice.
- Svaka mušica sastoji se od udice obmotane sa koncem i perjem i drugim materijalom, bez ograničenja veličine.
- O obliku i dužini mušice odlučuje takmičar.
- Otežane mušice su dozvoljene, stim da vidljiva tungsten kuglica može biti maksimalne veličine 4 mm dok sva ostala otežanja muhe moraju biti skriveni u tijelu mušice sa materijalima za pravljenje mušica. Sama farba se ne smatra materijalom kojim je dozvoljeno skrivanja otežanja.
- Na niže prikazanoj skici, dat je izgled alata, kojim se provjerava dužina mušice, otežanje i isti mora imati svaki sudija koji mjeri ulov ribe i kontroliše mušice.

IZGLED ALATA ZA KONTROLU MUŠICA



If the hooklength fits in the 20 mm ditch, then the maximum body thickness has to fit in the 5 mm slit. The 4 mm hole is the maximum diameter allowed for a "bead". If the hooklength is larger than the 20mm, then the body thickness has to fit in the 3 mm slit. The maximum length of a hook has to fit within the 40 mm of the plaque.

Član 27.

Takmičenje na rijekama se obavlja maksimalno do tri (3) mušice kao i na jezerima, koje moraju slobodno visjeti sa razmakom najmanjim 50 cm (pedeset centimetara) jedna od druge muhe.

Sve mušice moraju biti zavezane za predvez, tako da se ne pomjeraju niti klize, a takmičar u toku takmičenja može vršiti izmjenu mušica po svom nahođenju, ali uvijek mora pri zabačaju na predvezu biti vezane do 3 muhe. Vrsta muhe takmičar određuje po slobodnom izboru. Mušica ne smije imati kontra kuku. Sudija mjerač obavezno nakon svake ulovljene ribe mora provjeravati kuku povlačenjem iste kroz za to pripremljenu spužvu. U slučaju da je udica sa kontra kukom, takmičar se diskvalifikuje sa takmičenja, a riba vraća u vodu ili ako je oštećena ostavlja van vode.

Član 28.

Meredov treba biti od mekanog pamuka ili druge vrste mekanog, nestrugajućeg materijala, te po mogućnosti bez čvorova.

Potpuno ispružen meredov ne smije biti duži od 48" (četrdesetosam inča) to jest 122 cm (stotinudvadesetdva centimetra).

Član 29.

Sektorski sudija je dužan provjeriti ispravnost muha i pribora uopšte, izmjeriti razdaljinu između zavezanih zaperaka za muhe, te takmičar ne može početi takmičenje niti ući u startno mjesto dok se ne izvrši provjera pribora. U slučaju da ne dozvoljava provjeru pribora takmičar će biti diskvalifikovan sa takmičenja od strane glavnog sudije, a samim tim i diskvalifikovan na jednu godinu sa svih takmičenja koje organizuje SRS BiH.

Član 30.

Ulaskom u startno mjesto takmičar prekida komunikaciju sa bilo kime. Ne smije primati nikakav pribor od bilo koga. Sektorske sudije moraju tokom takmičenja stalno obilaziti takmičare te iste kontrolisati.

Član 31.

Za korištenje nedozvoljenog pribora (posebno otežanja olovom, korištenjem više od tri muhe na rijekama i jezeru, korištenja indikatora ulova pričvršćenih na šnjuru ili predvez, Glavni sudija na prijedlog sektorskog sudije mora obavezno diskvalifikovati takmičara sa daljnjeg takmičenja.

- PROCES ODVIJANJA TAKMIČENJA

Član 32.

Domaćin upućuje poziv na takmičenje, putem Komesara lige što je izvršio određene pripreme, dobio Odluku TK SRS BiH da je on određen za domaćina, dobio usvojen Kalendar takmičenja, osigurao licencu za stazu, osigurao potreban kadar za vođenje takmičenja, potreban broj sudija i ostale saglasnosti potrebne za organizaciju. Satnicu takmičenja domaćin izrađuje zajedno sa Komesarom lige i ista se objavljuje na WEB SITE I Facebook profilu SRS BiH, najmanje 10-15 dana prije početka takmičenja.

Član 33.

Takmičari su dužni poslati svoje prijave komesaru takmičenja u skladu sa terminima koje utvrdi Takmičarska komisija SRS BiH, a dolazak na stazi je obavezan najmanje 2 sata prije početka takmičenja, radi pregleda prijava, utvrđivanja registracija, licenci, upisa podataka u Dnevnik takmičenja, pripremu za svečano otvaranje takmičenja i žrijebanje. Ne može se vršiti žrijebanje takmičara koji nije prisutan na stazi, izuzetno u slučajevima kad to odobri Delegat i ako je takmičar u dolasku na stazu, što provjerava Komesar lige i o tome obavještava Delegata, koji daje ili ne saglasnost za žrijebanje takmičara koji iz opravdanih razloga kasni na žrijebanje.

Član 34.

Sve startna mjesta obavezno je točno definisati prije dodjeljivanja startnih pozicija takmičarima, te ista ne smiju biti mijenjane u toku takmičenja. Startna pozicija svakog takmičara mora biti izvučena žrijebom. Žrijeb treba osigurati tako da takmičari istog tima ne budu u istom sektoru. Ako kod pojedinačnog takmičenja ima više takmičara od 10 isti se dijele u 2 sektora. Idealno , žrijeb za

startne pozicije i čamce, treba uraditi prema urađenom računarskom programu. Žrijeb čamaca za svakog takmičara određuje se izvlačenjem, koje umanjuje i ako je moguće potpuno anulira mogućnost da takmičari iz iste ekipe love zajedno u istom čamcu. Određivanje vozača čamca potrebno je učiniti ili računalnim izvlačenjem, koje mora umanjiti i ako je moguće potpuno anulirati da vozač čamca vozi takmičare iz njegovog udruženja tokom prvenstva.

Svako takmičenje mora imati u svom programu i svečano otvaranje i zatvaranje takmičenja, za koje je zadužen domaćin i Komesar takmičenja. Takmičari koji ne budu na otvaranju i zatvaranju takmičenja mogu se kazniti, a to čini Delegat takmičenja kroz svoj Izvještaj.

Svi takmičari moraju dobiti od komesara takmičenja tačnu satnicu i moraju se iste pridržavati, a eventualne izmjene u satnici objavljuju se na javnom mjestu (oglasna ploča - na mjestu gdje se nalaze sudije, Komesar i Delegat takmičenja). Izmjene satnice vrše se samo uz odobrenje Delegata takmičenja.

Član 35.

Nakon prikupljenih prijava, kontrole takmičarski knjižica, ribolovnih dozvola te članskih karata entitskih saveza izvlači se redosljed žrijebanja, a zatim žrijeb startnih mjesta. Nakon žrijeba startnog mjesta, takmičar ima pravo običi startno mjesto, ali ne smije ulaziti u isto do **PRVOG SIGNALA**.

PRVI SIGNAL Glavnog sudije označava – dozvoljava izlazak takmičara na stazu prema utvrđenoj satnici.

DRUGI SIGNAL Glavnog sudije ili sektorskih sudija označava početak takmičenja. Ako se unutar sektora vrši pomjeranje takmičara tokom takmičenja nizvodno, sektorski sudija to označava zvučnim signalom. Takmičar sa svog startnog mjesta prelazi na drugo startno mjesto nizvodno, i na drugom startnom mjestu provodi novo vrijeme predviđeno za to startno mjesto, a novo pomjeranje nastavlja prema utvrđenoj satnici takmičenja.

Svaki takmičar može proći više startnih mjesta u sektoru ako je tako određeno na početku takmičenja, a ako nije takmičar čitavo vrijeme takmičenja provodi u okviru svog prvobitno izvučenog startnog mjesta.

Član 36.

Za svaku ulovljenu ribu takmičar prilikom prihvatanja iste u meredov, a prije odlaganja u mrežu čuvaru dužan je glasno objaviti redni broj ulovljene ribe (prva riba, druga riba i td.) kako bi susjedni takmičar bio upoznat sa njegovim ulovom. Sva ulovljena riba se mjeri i upisuje na kraju takmičenja u jednom sektoru. Prilikom mjerenja ribe mora ju biti prisutni: takmičar sa tog startnog mjesta, susjedni takmičar, sektorski sudija i pomoćnik sektorskog sudije. Ribu iz mreže čuvarke vadi sam takmičar i istu stavlja u korito za mjerenje i sam je odgovoran za nju dok se ne izmjeri. Ukoliko riba ispadne u rijeku prije nego što je izmjerena ista se ne može priznati kao ulovljena. Dužinu ribe moraju usaglasiti svi prisutni na mjerenju, a sektorski sudija javno objaviti redni broj ulovljene ribe. Po završetku mjerenja evidencioni list dužni su potpisati sektorski sudija, takmičar i susjedni takmičar kako bi rezultat bio validan. Ukoliko nisu svi potpisali listu glavni sudija može proglasiti evidencioni list nevažećim, a samim tim i ne prihvatiti upisane ribe kao rezultat.

Član 37.

Sektorski sudija i njegov pomoćnik moraju voditi internu kontrolu ulova u svom sektoru i na taj način vršiti provjeru o broju ulovljenih riba, te na taj način onemogućavati krivotvorenje ili namještanje rezultata takmičenja. Svaka nepravilnost po ovom pitanju oštro će se sankcionisati od strane Delegata i Takmičarske komisije SRS BiH, zabranom suđenja na narednim takmičenjima.

- SLUŽBENE OSOBE I TIJELA NA TAKMIČENJU

Član 38.

Ostali organi takmičenja organizuju se konkretno, kako to propisuju Pravilnici za tu disciplinu, a odnose se na formiranje prije takmičenja i toku takmičenja: Sudijskog kolegija, žirija takmičenja, Foruma lige, selektora reprezentacije, a kako je to propisano Pravilnicima za konkretnu disciplinu.

FORUM LIGE je savjetodavno tijelo, koje biraju članovi lige, sastavljeno od Komesara, selektora i nekoliko takmičara, koje nastupa u ime lige, sa prijedlozima za što bolje provođenje takmičenja, i nastupa reprezentacije na međunarodnim takmičenjima. Može ga imati svaka takmičarska liga, te

može podržati, dati prijedlog i mišljenje, oko imenovanja komesar lige, selektora i menadžera, preko TK.

Član 39.

Službene osobe za takmičenje, imenuje Takmičarska komisija i Sudijska komisija SRS BiH uz puno poštovanje sudijskih rangova i iskazanih kvaliteta ,a to su:

39.1. DELEGAT SRS BiH na takmičenju ima obvezu da vrši nadzor nad obavljanjem svih faza takmičenja, sve do proglašenja rezultata i uručivanja priznanja. Predsjedava radom žirija. Upravnom odboru Sportsko ribolovnog saveza BiH dužan je podnijeti iscrpan Izvještaj o tome kako je proteklo takmičenje uz davanje ocjene Glavnom sudiji i Komesaru/sekretaru za kvalitet obavljenog suđenja. Na dužnost delegata takmičenja Takmičarska komisija ili Sudijska komisija, odlukom Upravnog odbora SRS BiH imenuje najiskusnije sudije, najvišeg ranga koja na licu mjesta mogu rješavati sve moguće probleme u vezi s pravilnikom takmičenja, te tako preuzeti odgovornost za regularnost takmičenja. Delegat mora nositi vidno označenu akreditaciju. Svojim potpisom na Dnevniku takmičenja potvrđuje regularnost takmičenja.

39.2. GLAVNI SUDIJA je službena osoba koja na takmičenju putem sudijskog aparata organizuje provođenje pravila i uspješno odvijanje takmičenja. Na ovu dužnost imenuju se iskusne sudije koji su u stanju uspješno provesti pravila na takmičenju počevši od izbora lokacije za takmičarsku stazu, njenog obilježavanja, kvalificiranog predstavljanja na sastanku učesnika takmičenja, organizovati rad sektorskih sudija i sekretara takmičenja. Budno pratiti zbivanja na takmičarskoj stazi i oko nje, intervenisati saglasno ukazanoj potrebi, savjetuje sektorske sudije u rješavanju eventualno nastalih konflikata, te skupa sa sekretarom takmičenja unosi podatke o ulovljivoj ribi u program takmičenja, provjerava obračunate rezultate prije zvaničnog proglašenja rezultata i iste potvrđuje svojim potpisom na Dnevniku takmičenja. Glavni sudija organizuje sudijski kolegij u sastavu:

- Glavni sudija takmičenja,
- Sekretar / Komesar takmičenja,
- Sektorske sudije u sektorima A ,B, C, D i E.

Po završetku takmičenja, Glavni sudija proglašava rezultate, a dužan je skupa sa komesarom takmičenja i Takmičarskoj komisiji SRS BiH, podnijeti Izvještaj sa priloženim Dnevnikom takmičenja i ocjenama sektorskih sudija. Glavnog sudiju imenuje Takmičarska komisija ili Sudijska komisija SRS BiH. Glavni sudija na takmičenju mora nositi vidno označenu akreditaciju, a delegatu prije početka takmičenja predložiti licencu za suđenje koja važi za tekuću godinu i izdana je od nadležne sudijske organizacije čiji je on član.

39.3. KOMESAR NATJECANJA / TAKMIČENJA

Komesar takmičenja je sudija ujedno i sekretar takmičenja, službena osoba na takmičenju, odgovorna na takmičenju Delegatu takmičenja i Glavnom sudiji, a u svim drugim prilikama TK SRS BiH.

U pripremama takmičenja i poslije takmičenja zadaci komesara takmičenja su slijedeći:

- Priprema satnicu takmičenja zajedno sa domaćinom i objavljuje u službenim glasnicima SRS BiH
- Priprema i objavljuje spiskove takmičara i ekipa za lige za koje je zadužen, objavljuje podatke o prijavama, odustajanjima sa takmičenja, poziva eventualne zamjene ekipa i takmičara, vodi dnevnik takmičenja i iste dostavlja Takmičarskoj i Sudijskoj komisiji SRS BiH.
- Formiranje lige koju vodi mora izvršiti najkasnije 15 aprila tekuće godine.
- Vršiti promjene termina takmičenja ili eventualnu odgodu takmičenja za ligu koju vodi uz konsultaciju sa TK SRS BiH i o tome putem WEB SITE i Facebook profila ili telefonski obavještava takmičare ili ekipe.
- Vršiti pripremu podataka za žrijeb takmičenja i na samom takmičenju sa Glavnim sudijom obavlja žrijeb takmičara i ekipa,
- Vršiti provjeru podataka za članove lige u KUP takmičenja i isti su dužni da objave poziv takmičarima i društvima da se prijave za takmičenja u tekućoj godini izvrše registraciju , potvrde to pismeno Komesaru lige, a isti objavi podatke na WEB SITE I FB profili najkasnije do 15. aprila tekuće godine.

- Spiskovi treba da sadrže tačna imena takmičara, ekipa, tko ima pravo nastupa, tko su zamjene u ligi, te kontakt podatke, u slučaju odustajanja nekog takmičara.

-Potrebna adiministracija vodi se u principu na računaru, a ako to nije slučaj dnevnike, startne liste osigurava SRS BiH u suradnji sa domaćinom takmičenja, a Komesar lige ih je dužan donijeti na takmičarsku stazu, kao i obračunate podatke poslati najkasnije u roku od 7 (sedam) dana po završetku takmičenja u Kancelariju SRS BiH.

-Komesar lige po završetku takmičenja dužan je poslati kraći Izvještaj sa fotografijama adiministratoru WEB SITE i Facebook portala SRS BiH, radi promocije lige, takmičara i uspjeha koji su postigli.

Član 40.

Svi takmičari i ekipe članovi Premijer lige BiH (pojedinačno), te ekipe učesnice KUP-a BiH (ekipno takmičenje) dužni su poslati svoju prijavu organizatoru i Komesaru takmičenja, radi utvrđivanja preliminarne liste takmičara i ekipa. Rok za dostavu ove prijave je 30 dana prije održavanja takmičenja. Na sam dan takmičenja takođe ekipe trebaju dostaviti propisanu prijavu i eventualne izmjene u ekipama i predati je Komesaru/sekretaru takmičenja radi pripreme žrijeba.

Član 41.

Komesar/sekretar takmičenja prijavne listove dostavlja Delegatu takmičenja koji provjerava tačnost istih, utvrđuje identitet takmičara i odobrava istim pristup na takmičenje tog dana. Vršiti se provjera takmičarskih podataka iz takmičarske knjižice, te provjera dokumentacije za utvrđivanje identiteta i registrovanosti takmičara za tekuću godinu.

Član 42.

Komesar / sekretar lige učestvuje u izradi prijedloga Finansijskog plana osiguranja lige i svoje prijedloge dostavlja Finansijskoj komisiji saveza putem TK SRS BiH.

Član 43.

43.1. SEKTORSKI SUDIJA je osnovni operativni organ na takmičarskoj stazi.

Njegovi zadaci počinju od trenutka pregleda sektora, za koji su zaduženi, pa sve do kontrole urednosti svakog takmičarskog mjesta, po završetku takmičenja. Prati ulazak na startno mjesto nakon prvog signala, vrši identifikaciju, kontrolu, prati rad takmičara, vrši kontrolu pribora u sektoru, prati kretanja u okviru svakog startnog mjesta u svom sektoru. Interveniše po potrebi, ako ima startne sudije/mjerače organizuju njihov rad i praćenje takmičara, zabranjuje neovlaštenim osobama kretanje po startnim mjestima, ulazak u vodu, ne dozvoljava bilo kakvu pomoć sa strane takmičarima. Označava zvučnim signalima početak takmičenja u sektoru, izmjene i pomjeranje takmičaraa nizvodno unutar sektora po satnici (ako je to dogovoreno na sastanku žirija). Prati ponašanje takmičara nakon završetka takmičenja. Potpisuje Evidencioni list ulova u kome je evidentiran ulov takmičenja (**FFY-03**) u njegovom sektoru i dostavlja ga sekretaru takmičenja na obračun u najbržem mogućem roku. Eventualne ispravke na Evidencionom listu ovjerava svojim potpisom križanjem netačnog podatka, i upisom tačnog. Na blaže propuste takmičara u toku pripreme i takmičenja, daje upozorenja ili izriče opomenu (ŽUTI karton), a u ponovljenom slučaju upozna je Glavnog sudiju, koji će bde li smatrao za potrebno intervenisati i sankcionisati takmičara CRVENIM kartonom, što istovremeno znači **DISKVALIFIKACIJU** i obvezno udaljavanje takmičara sa takmičarske staze. Za vrijeme takmičenja odgovoran je za uspješan rad sudija mjerača u svom sektoru, kojima na kraju daje ocjenu što sekretar / Komesar takmičenja evidentira u Izvještaju sa takmičenja. Sektorski sudija mora nositi vidno istaknutu akreditaciju. Kao pomoćno sredstvo u nadzoru može koristiti dvogled ili video kameru, sigurnosnu opremu po potrebi te mobilni telefon.

43.2. STARTNI SUDIJA - MJERAČ ULOVA je osoba imenovana od strane domaćina takmičenja uz saglasnost Glavnog sudije. Mogu biti u rangu društvenog sudije ili kandidata za polaganje praktičnog dijela sudijskog ispita. Zadaci startnog sudije mjerača sastoje se u praćenju ispravnosti rada takmičara od ulaska u startno mjesto, kretanje takmičara unutar takmičarskog - startnog mjesta, mjerenje ulova, dužine svake ribe, evidentiranje u startni list, ovjera ulova od strane takmičara. Odmah po završetku takmičenja dužan je predati startni list sektorskom sudiji. Ako postoji mogućnost obrazac **FFY-03** startni list se vodi kroz indigo (2 kopije), a jedan primjerak daje takmičaru po završetku takmičenja u sektoru. Ako se unutar sektora vrše izmjene takmičara, nakon znaka za izmjenu daje takmičaru startni

list koji ovaj nosi do sljedećeg mjerača gdje takmičar nastavlja lov. Da se ne bi vršilo dopisivanje podataka svaku ulovljenu ribu kod njega parafira svojim potpisom na startnom listu u za to predviđenoj koloni. Na primijećenu nepravilnost upozorava takmičara i obavještava sektorskog sudiju, koji će smatra li za potrebno poduzimati određene mjere. Mora obaviti ranije dogovorene radnje u vezi rasformiranja takmičarskog mjesta za koje je zadužen. Mjerač mora nositi vidno istaknutu akreditaciju. Startni sudija mora posjedovati korito, propisno izrađeno od drveta i plastike sa označenom dužinom unutar istog za mjerenje dužine ulova ribe. Mjerenje vrši tako što položi ribu u korito i mjeri dužinu u milimetrima od glave do vrha repa. Mjerenje i upis u startni list takmičara ne smije upisivati u centimetrima. Startni sudija kad preuzme ribu od takmičara isključivo je odgovoran za mjerenje. Ako istu izgubi prilikom mjerenja takmičaru će se upisati prosječna veličina ribe ulovljene u tom sektoru. Kao pomoćno sredstvo u nadzoru može koristiti dvogled ili video kameru, čizme, sigurnosnu opremu po potrebi, mobilni telefon.

Član 44.

NATJECATELJ-TAKMIČAR je član ekipe ili pojedinac koji učestvuje na sportsko ribolovnom takmičenju a koji mora poznavati pravila takmičenja, jer ga nepoznavanje pravila takmičenja ne oslobađa od odgovornosti i svih sankcija predviđenih u slučaju nepridržavanja i narušavanja pravila takmičenja.

- Za vrijeme takmičenja u ruci takmičar smije imati samo jedan štap, dok drugi štap smije držati spreman na držačima na prsluku, meredov dužine 122 cm za prihvat ribe. Od ostale opreme smije imati odgovarajuće odijelo, prsluk sa kompletima muha, naočale i kapu-šešir.
- Ostalu opremu, rezervne štapove mora držati van rijeke u okviru startnog mjesta.
- Dužan je na vidnom mjestu nositi službenu akreditaciju i do kraja poštivati satnicu takmičenja kako ne bi svojim odsustvom ometao provođenje takmičenja. Mora blagovremeno doći i donijeti svoj pribor, opremu i držati je van rijeke sve do DRUGOG signala, koji označava dozvolu za ulazak u rijeku i početak takmičenja. Pristupa pripremi i uređenju prostora - startnog mjesta. U toku pripreme na startnom mjestu dužan je pripremiti pribor i muhe, te na zahtjev sektorskog i sudije mjerača za kontrolom omogućiti pregled mušica. Ne smije se udaljavati iz svog startnog mjesta, prije niti za vrijeme takmičenja, niti smije ulaziti u startna mjesta drugih takmičara.
- Svaki takmičar odgovoran je da poduzme sve mjere i predostrožnosti, uključujući zaštitu očiju, opremu za spašavanje posebno za lov iz čamca, gdje ne može pristupiti takmičenju bez prsluka za spašavanje. Svaki takmičar dužan je na takmičenju putovati prema oficijelnim događajima i vraćati se od istih isključivo službenim prijevozom, ako je to organizator osigurao i ako je za takmičenje plaćeno osiguranje za svakog takmičara.
- Svaki takmičar, koji u toku takmičenja zatraži savjet (osim od kapitena) vezano za ulov ili prihvat bilo kakvu materijalnu pomoć vezano za lov, biti će kažnjen. Ukoliko u toku takmičenja bilo tko, osim kapitena, tko je angažovan sa timom, komunicira sa takmičarem, smatrat će se da je takmičar tražio savjet vezano za ulov, informacije o drugim takmičarima, ulovima na stazi i biti će kažnjen.
- Takmičar za vrijeme takmičenja ne smije na startnom mjestu upotrebljavati mobilni telefon, niti pomoću njega komunicirati sa takmičarima njegove ekipe i kapitenom njegove ekipe.
- Na zahtjev domaćina, a uz suglasnost Delegata takmičenja, takmičar je dužan nositi na svojoj opremi prigodne reklamne oznake sponzora koje je osigurao domaćin ili SRS BiH za takmičenje na kom učestvuje.

Član 45.

KAPITEN EKIPJE - TRENER je osoba koje predstavlja ekipu, odnosno pruža pomoć takmičarima, pojedincima u toku pripreme, i odvijanja takmičenja. Odgovoran je za ponašanje članova tima u toku trajanja takmičenja. U toku takmičenja, kapiten tima može se slobodno kretati unutar startnih mjesta članova svoje ekipe, ali nema pravo ulaziti u vodu i dodavati bilo kakav pribor takmičaru. Kapiten tima može ući u prostor startne pozicije druge ekipe, samo kako bi došao do pozicije člana svoje ekipe i to samo pod uslovom da njegova prisutnost na drugom startnom mjestu (susjednog takmičara) ne ometa vode ili aktivnosti takmičara iz druge ekipe. Tokom takmičenja iz čamca, kapiten neće imati pristup članovima svoje ni tuđih ekipe. U toku takmičenja, kapiten nema pravo pružati materijalnu pomoć bilo kom članu svoje niti tuđe ekipe osim u slučaju loma pribora. Prisustvuje zvaničnim sastancima učesnika. Jedna ekipa može imati prijavljena dvije osobe u statusu KAPITENA- TRENERA, s tim da u istom startnom mjestu jednog takmičara može ulaziti samo jedan. U svrhu pružanja pomoći-informacija i savjeta vođa ekipe ima pravo i obavezu:

- Dostavljanja prijave za ekipu, učešća na zvaničnom sastanku učesnika i službenog osoblja, žrijebanja redoslijeda, sektora, i startnih mjesta takmičara, pomoći u donošenju opreme. Mogu

koristiti sredstva veze, samo van startnog mjesta takmičara i ne smiju dovikivati glasno ništa svojim takmičarima.

- Za radnje koje su ovim pravilima po bilo kojem osnovu zabranjene, vođa ekipe - trener biti će obvezno sankcionisan ŽUTIM kartonom, što u ponovljenom slučaju sljedeće i takmičara. Da bi se izbjegle konfliktne situacije na takmičenjima, udruženja su dužna da pri određivanju vođa ekipa imenuju osobe koje poznaju pravila, koja su komunikativna i koja su u stanju obaviti ovu veoma bitnu zadaću. Vođa ekipe - trener mora imati akreditaciju postavljenu na vidnom mjestu.

Član 46.

- SUDIJSKI KOLEGIJ

SUDIJSKI KOLEGIJ ČINE:

- Glavni sudija
- Sekretar – Komesar lige takmičenja
- Sektorskih sudija 2 imenovana žrijebom
- Startni sudija 1 ili sudija koji vrši mjerenje džine ulova izabran žrijebom

Sudijski kolegij se formira po potrebi i u slučaju potrebe rješava pitanja iz oblasti sudijskih nadležnosti na takmičenju, pravi novi raspored sudija, zamjenu itd. Sudijskim kolegijom rukovodi Glavni sudija.

Član 47.

- ŽIRI NATJECANJA / TAKMIČENJA

Žiri takmičenja čine:

- Delegat takmičenja
- Glavni sudija
- Sekretar - Komesar lige takmičenja
- Sektorski sudija trećeg sektora
- takmičar na startnom mjestu 3. u „A „sektoru, s tim ako se vodi rasprava o njemu mora se zamijeniti susjednim takmičarem koji nije predmet rasprave.

Žiri se sastaje po potrebi i odlučuje o svim pitanjima vezanim za takmičenje i provođenje odredaba ovog Pravilnika, rješava žalbe, odlučuje o prekidu takmičenja, utvrđuje uslove da li se neko takmičenje može uopšte održati prema satnici koja je ranije utvrđena. Sastanak žirija saziva Delegat takmičenja koji ujedno predsjedava radom žirija. Rad žirija nije javan i obavlja se bez prisutnosti takmičara i vođa ekipa. Sekretar takmičenja vodi zapisnik koji se dostavlja Takmičarskoj komisiji SRS BiH u predviđenom roku (5 dana) sa ostalom dokumentacijom. Odluke žirija na nekom takmičenju za to takmičenje su konačne, a na njih se ima pravo podnijeti žalba Takmičarskoj komisiji SRS BiH u slučaju povrede odredaba ovog Pravilnika kao organu koji u prvostupanjskom postupku rješava žalbe. Takmičar ili ekipa koja je nezadovoljna Odlukom po izjavljenoj žalbi prvostupanjskom organu, ima se pravo žaliti Upravnom odboru SRS BiH, koji rješava sporna pitanja u drugostepenom postupku. Odluka Upravnog odbora je konačna i na nju se takmičar ili ekipa ne mogu se žaliti.

Član 48.

Prigovori na objavljene privremene rezultate na takmičenju najavljuju se žiriju 15 minuta nakon objavljivanja rezultata, a pismena reklamacija se dostavlja za narednih 20 minuta, uz uplatu 50 KM kaucije kod sekretara takmičenja, koja će biti vraćena ako se utvrdi da je prigovor bio opravdan. U protivnom kaucija se uplaćuje u blagajnu SRS BiH.

Član 49.

Kada istekne vrijeme predviđeno za prigovore, na zvaničnom mjestu (oglasnoj ploči) objavljuju se zvanični rezultati takmičenja potpisani od strane Glavnog sudije, Delegata i sekretara takmičenja .

Član 50.

Ako neki takmičar ili ekipa nije zadovoljna obračunatim plasmanom i nakon žalbe upućene žiriju takmičenja, može u pismenoj formi uputiti žalbu Takmičarskoj komisiji SRS BiH, koja je dužna u narednih 20 dana razmotriti žalbu i o istoj u pismenoj formi obavijestiti podnosioca žalbe. Ako se radi o povredi pravila koja utiču na dalji plasman ekipe ili takmičara za naredno kolo ili nastup na nekom

reprezentativnom nastupu koji slijedi, Takmičarska komisija SRS BiH, mora do narednog kola zauzeti svoj konačni stav po žalbi.

- SUĐENJE NA TAKMIČENJU

Član 51.

Suđenje na takmičenju organizuje Glavni sudija, tako da za svakog takmičara osigurava po jednog ili više sektorskih sudija, a najmanje 1 za 6 takmičara u sektoru. Ukoliko domaćin takmičarske staze zahtjeva mjerenje ribe odmah, mjerenje ulova vrše sektorski sudija sa pomoćnikom krećući se u sektoru, te kada primijete ribu u mreži čuvaru, istu mjere uz prisutnost takmičara, upisuju ulov u evidencioni list, takmičar potpisuje listu i riba se tek tada vraća u rijeku i glasno obavještava susjednog takmičara o dužini, rednom broju i vrsti izmjerene ribe. Ukoliko domaćin takmičarske staze ne zahtjeva mjerenje odmah onda se sva ulovljena riba mjeri na kraju sektorskog takmičenja. Kod takvog mjerenja mora biti prisutan sektorski sudija, njegov pomoćnik, takmičar s tog startnog mjesta i susjedni takmičar koji moraju jednoglasno utvrditi dužinu ribe. Na međunarodnim takmičenjima, koja organizuje SRS BiH, za svakog takmičara mora biti određen 1 (jedan) startni sudija mjeri.

Mjerenje i evidentiranje ulova u Evidencioni list (FFY-03) treba da osiguraju slijedeće:

- Upotrebu korita plastičnih ili pak drvenih u kojima je postavljeno - pričvršćeno mjerilo -čelični metar, te konac.
- Uhvaćenu ribu takmičar stavlja u korito, a sudija mu drži korito i utvrđuje dužinu ribe u milimetrima kada se ista smiri, sa kojom se moraju svi prisutni usaglasiti. Sudija nije odgovoran ako riba takmičaru padne u vodu prilikom donošenja na mjerenje i u tom slučaju ne evidentira se ulov. Mjerenje se obavezno vrši na obali van vode.
- Kada takmičar ulovi ribu istu mora obavezno prihvatiti i donijeti u meredov na obalu sudiji mjeri ili u mrežu čuvaru. Takmičar je obavezan odstraniti udicu, oživiti ribu i vratiti je u vodu koristeći ponovo meredov, vodeći računa o tome da ribu ne ošteti.
- Ukoliko takmičar odluči da riba ne ispunjava uslove ili je nedovoljne veličine, nije obavezan da je ubaci u meredov, ali je treba vratiti u vodu, vodeći računa da je ošteti. Idealno je da je ne dodiruje.
- Ukoliko sudija-mjeri, sektorski sudija ili Glavni sudija utvrdi da je takmičar postupio nemarno i narušio takmičarsko pravilo, ribi naneo povredu, ista riba se neće bodovati, a takmičar će biti kažnjen. Navedeni incident treba biti prijavljen Žiriju, koji će isti uzeti u razmatranje i donijeti odluku o kazni.
- Ako susjedni takmičar ili neki od sudija primijeti da takmičar, iz njemu znanih razloga, vraća u rijeku i ribe koje ispunjavaju uslove bodovanja, prijavljuje to sektorskom sudiji, koji kada se uvjeri u istinitost tvrdnji, prijavljuje to Delegatu i Glavnom sudiji, te se u tom slučaju takmičara može odmah diskvalifikovati sa tog kola lige ili takmičenja.
- Takmičar nakon izvršenog mjerenja pušta ribu polako nazad u vodu, a sudija mjeri glasno i jasno objavljuje da je takmičar ulovio ribu (objavljuje vrstu, dužinu i redni broj ribe koja je ulovljena) da bi susjedni takmičari bili upoznati sa tim podacima. Ako susjedni takmičar zatraži da bude prisutan mjerenju, riba se ne smije vratiti u vodu dok susjedni takmičar ne provjeri dužinu ulova i to svojim potpisom ovjeri.
- Sektorski sudija nadzire rad takmičara u vodi i sudija mjeri i pri tom može koristiti dvogled, ribarske čizme (odijelo) i pribor za vlastitu zaštitu.
- Sudije ne smije drugim takmičarima ili kapitenima prenositi na koju mušicu je ostvaren ulov.
- Za izvršeno mjerenje moraju biti saglasni takmičar, sektorski sudija i sudija mjeri ukoliko se riba mjeri odmah, a ako se mjeri na kraju sektorskog takmičenja sa izmjerenom ribom mora biti saglasan i susjedni takmičar. Svaka dužina se upisuje u mm (milimetrima) i ne zaokružuje se. Ako je riba previše živahna takmičaru može pomagati pri mjerenju i startni sudija ili susjedni takmičar ako to želi.
- Sektorski sudija po izvršenom mjerenju upisuje podatke u Evidencioni list, a takmičar i sudija mjeri potpisom potvrđuju upisani ulov i vrijeme ulova. Na evidencionom listu nisu dozvoljene nikakve ispravke, koje ne potvrdi sektorski sudija svojim potpisom.
- Ukoliko ulovljena riba otpliva u zonu zaštite, takmičar smije privlačiti samo ribu iz svoje startne pozicije, te je samo može izvaditi unutar svoje startne pozicije. Ukoliko ulovljena riba otpliva u susjedno startno mjesto, te ukoliko takmičar iz susjedne pozicije nema primjedbi takmičar ima pravo privući ribu do svoje pozicije, te je izvaditi samo unutar svoje pozicije. Ukoliko takmičar iz susjednog startnog mjesta ima primjedbu, takmičar ima najviše 5 minuta da izvuče ribu iz susjednog startnog mjesta u zonu zaštite ili svoje startno mjesto.

- Takmičar ili član ekipe ne smije koristiti lokatore za pronalaženje ribe, provjeru dubine u toku takmičenja.
- Za ribu koja je izgubljena tokom lova iz čamca dok sudija na zahtjev takmičara mrežom vadi ribu, neće biti dodijeljeni bodovi takmičaru.
- Ukoliko je dužina ribe ispod dozvoljene mjere naznačene u satnici prije takmičenja, takmičaru koji je ulovio takvu ribu neće biti dodijeljeni i upisani bodovi u evidencionu listu.
- Ako takmičar namjerno ozlijedi ribu biti će kažnjen i upisana mu najmanja dužina ribe izmjerena u tom sektoru, a incident sudija mora obvezno prijaviti žiriju takmičenja, radi razmatranja i drugih sankcija protiv takmičara.
- Ukoliko se nekom od takmičara donese riba sa strane ili neki takmičar primi od drugog takmičara ribu, a to primjeti susjedni takmičar ili neko od sudija u sektoru, odmah se poziva glavni sudija koji će diskvalifikovati takmičara koji je primio takvu ribu i takmičara koji je dao ribu kolegi takmičaru, a ukoliko je to učinio neko ko nije takmičar takvu osobu odstraniti, uz pomoć domaćina takmičenja, sa takmičarske staze.

Član 52.

Sudija ne smiju poduzimati korake koji bi prouzrokovali lažne ili subjektivne rezultate. U slučaju da sudije, sude neobjektivno biti će za to sankcionirane po Pravilniku o disciplinskoj odgovornosti učesnika SRT u SRS BiH.

Član 53.

Svaki sudija je odgovoran u domenu svoje nadležnosti. Ocjene na suđenju Glavni sudija daje sektorskim sudijama i to 1 do 5. Sektorski sudija daje ocjene suđenja od 1 do 5 startnim sudijama i mjerачima. Glavnog sudiju ocjenjuje delegat takmičenja ocjenom 1 do 5 što obvezno upisuje u svoj Izvještaj koji dostavlja Takmičarskoj komisiji SRS BiH.

- ELEKTRIČNE BARIJERE

Član 54.

Najstrože je zabranjeno postavljanje startnih mjesta na udaljenosti manjoj od 25 metara od električnih postrojenja i instalacija (visokonaponskih vodiča, transformatora, stubova javne rasvjete, itd).

- MJERE U SLUČAJU VREMENSKIH NEPOGODA

Član 55.

55.1 KADA NEVRIJEME POČNE PRIJE ILI ZA VRIJEME PRIPREMA ZA TAKMIČENJE

Niti jedan takmičar ne smije zauzeti svoje startno mjesto i pripremati svoju opremu, signalom će se označiti odgađanje pristupa na startna mjesta ili prekida priprema. Ako to dopuste vremenske prilike i ako se uklapa u satnicu, takmičenje se može normalno odvijati ili se može skratiti (u svakom slučaju, mora trajati najmanje 2/3 po jednom sektoru). U slučaju vremenskih neprilika (oluja i sl.), žiri će proglašiti važećim krug-dan ukoliko je isti trajao najmanje 2/3. Ako se vremenski uslovi ne poboljšaju ili se to više ne uklapa u satnicu da se završe preostala sektorska takmičenja kako kod pojedinačnih tako i kod ekipnih takmičenja, cijeli se krug-dan takmičenja mora poništiti.

55.2 KADA NEVRIJEME POČNE ZA VRIJEME TAKMIČENJA

Posebnim signalom, organizator će trenutno prekinuti takmičenje i svi takmičari moraju potražiti zaklon i odložiti štapove (posebno ako su grafitni). Ako to dopuste vremenski uslovi, takmičenje će se nastaviti nakon signala kojim je dopušten povratak takmičarima na njihova startna mjesta. Signal nakon toga, 5 minuta kasnije, dozvoljava takmičarima nastavak lova ribe. Trajanje tog dana takmičenja može se skratiti, ako zbog satnice takmičenje ne može trajati sva 3 sata odnosno 2 sata u sektoru.

- ANTIDOPING KONTROLA

Član 56.

SRS BiH se pridržava svjetskih pravila o antidopingu koje propisuje C.I.P.S. i Olimpijski komitet BiH. Povodom prvenstva (tokom prvenstva), takmičari se pozivaju na antidoping kontrolu kojoj obavezno moraju prisustvovati sa utvrđenim krajnjim rokovima, u skladu sa i žirijevim direktivama. Pozvani takmičar, koji se ne odazove pozivu za kontrolu, bit će diskvalifikovan iz daljeg takmičenja i kažnjen. SRS BiH organizator prvenstva će snositi troškove antidoping kontrole, ako je ista naređena u skladu sa instrukcijama koje je na takmičenju dao Delegat takmičenja. Ako nije naređena antidoping kontrola takmičara, a Delegat ili Glavni sudija utvrde da netko od takmičara, vođa ekipa, prije i za vrijeme takmičenja konzumira alkohol dužni su takvom takmičaru zabraniti takmičenje ili ga u toku samog takmičenja isključiti sa istog i to evidentirati u Izvještaju.

- BODOVANJE I UTVRĐIVANJE PLASMANA TAKMIČENJA

Član 57.

Samo riba zakačena za usta, će se bodovati, a zakačena za tijelo, rep se ne boduje. Veličine i vrste riba mogu se bodovati, samo ako su o njima podaci dati u satnici ili biltenu TK SRS koji je objavljen na WEB site prije takmičenja. Sstartni sudija u Evidencionoj (startnoj) listi takmičara upisuje broj i vrstu riba, vrijeme ulova i dužinu svake ribe u milimetrima, Startni sudija ne smije vršiti nikakav obračun ulova na Evidencionoj listi.

Po završetku takmičenja u jednom sektoru, sektorski sudija prikuplja sve startne listove i dostavlja ih Glavnom sudiji koji sa sekretarom takmičenja unosi podatke o ulovu ribe za svakog takmičara u računar koji pomoću takmičarskog programa daje rezultate za to kolo kako pojedinačno tako i ekipno ovisno o vrsti takmičenja.

Ukoliko se vrši ručna obrada podataka sekretar takmičenja obračunava Evidencione liste, tako što za svaku ulovljenu ribuu dnevnik upisuje 100 poena, a za svaki centimetar ulovljene ribe upisuje dodatni 20 poena. Zbir ovih poena daje ukupne poene takmičara u tom sektoru ($cm \times 20 + 100 = X$)

- POJEDINAČNO BODOVANJE PLASMANA

Član 58.

Bodovanje se vrši tako da za svaki centimetar ulovljene ribe takmičar dobija 20 poena, a za svaku ribu 100 poena. Zbir ova dva podatka daje ukupan broj poena za takmičara.

Primjer :

Ulovljene 2 ribe (25 i 28 cm) ($25 \times 20 + (28 \times 20) + 100 + 100 = 500 + 560 + 200 = 1.260$ poena

Član 59.

Bodovanje pojedinaca u Premijer ligi gdje se takmičenje obavlja u više kola i više sektora vrši se na taj način što se za svakog pojedinca obračunava zbir sektorskih plasmana iz svih kola. Ako više takmičara na kraju takmičenja u ligi ima jednak broj sektorskih plasmana, kao slijedeći kriterij za utvrđivanje plasmana je zbir svih ostvarenih poena, a ako je i broj poena isti, slijedeći kriterij je najduža riba, a ako je i to isto slijedeći korak u određivanju plasmana je žrijeb za dva ista pojedinca ili ekipe.

Član 60.

Svakom takmičaru koji ne uspije uhvatiti niti jednu ribu ili nije prisutan na takmičenju bilo opravdanih ili neopravdanih razloga biti će dodijeljen plasman jednak broju takmičara u njegovom sektoru. Žrijeb u Premijer ligi mora se praviti za sva kola lige na početni broj takmičara sa kojim je liga započeta u tekućoj godini.

Član 61.

Svaki takmičar , koji je primoran da iz bilo kog razloga napusti takmičenje koje još traje, ima pravo da se zbir njegovog ulova do trenutka napuštanja takmičenja zbroji u sveukupni njegov rezultat ili rezultat ekipe ako nastupa u ekipnoj konkurenciji. Rezultati u nekom sektoru se mogu priznati kao validni ako je proteklo 2/3 vremena predviđeno za takmičenje u tom sektoru, o čemu donosi odluku žiri takmičenja. Takmičar koji izostane sa jednog kola (dana) takmičenja, dobiva za to takmičenje broj poena jednak ukupnom broju takmičara u punom sektoru A uvećan za +1 kazneni (dodatni) poen.

Primjer: U sektoru A je bilo 9 takmičara pa takmičar koji nije nastupio to kolo dobiva $9 + 1 = 10$ poena.

- EKIPNO BODOVANJE PLASMANA

Član 62.

Kod ekipnog takmičenja, gdje se takmičari takmiče za svoju ekipu, takmičenje se obavlja u 3 ili 5 sektora. U principu na domaćim takmičenjima ekipa ima 3. člana. i takmičenje se obvezno održava u 3 sektora. Plasman ekipa se određuje na osnovu zbira sektorskih plasmana takmičara jedne ekipe za sva provedena kola ekipnog takmičenja. Rezultati mogu biti validni ako su na nekom takmičenju završena bar 2 sektora takmičenja, a treći sektor se ne može održati zbog vremenskih uslova ili drugih razloga. O verifikaciji rezultata takmičenja u ovakvoj situaciji odlučuje žiri takmičenja.

Svakoj nepotpunoj ekipi biti će dodijeljen plasman za svakog nazočnog takmičara, a nedostajući takmičari će dobivati broj negativnih poena onoliko koliko je sektor trebao imati takmičara po zvaničnoj prijavi i pod uslovom da su svi takmičari došli na takmičenje.

Ako jedna ili više ekipa imaju isti broj sektorskih plasmana, prvi kriterij za odlučivanje je najveći broj dodijeljenih bodova, drugi kriterij biti će najveći broj ulovljenih važećih riba. Ukoliko je rezultat i poslije ova primijenjena tri kriterija neriješen, timovima i pojedincima biti će dodijeljen isti plasman, a naredni plasman (i) biti će prazan (ni).

Član 63.

Kod ekipnog takmičenja zbirom svih sektorskih plasmana ekipe dobija se konačni rezultat ekipnog takmičenja.

- KAZNENE ODREDBE

Član 64.

ŽUTI KARTON (opomena), sudija daje **takmičaru** ako se ne pridržava oštih pravila takmičenja:

- Ako gazi po vodi prije početka takmičenja,
- Ako svojim ponašanjem ometa lov drugih takmičara,
- Ako verbalno vrijeđa službene osobe na takmičenju,
- Ako prima pomoć Kapitena ekipe,
- Ako ulazi u tuđe startno mjesto.

Član 65.

CRVENI KARTON (diskvalifikacija) daje se za ponavljanje bilo kog prekršaja iz člana 64. Pravilnika i za:

- Ako lovi ribu sa neispravnim mušicama sa kontra kukom,
- Ako ribu nekorektno prihvata rukom i ispušta u vodu (baca),
- Ako ima više od dve dužine štapa predvez (forfat) od najlona,
- Ako su zaperci za muhe svezani na manjem razmaku od 50 cm,
- Ako ulazi u tuđe startno mjesto i ostvari ulov,
- Ako koristi indikator ulova,
- Ako ribe koje ispunjavaju uslove bodovanja, pušta nazad u rijeku, i ne prijavljuje za bodovanje,
- Ako za vrijeme takmičenja konzumira alkohol ili neka opojna sredstva,
- Ako primi ribu od kolege takmičara ili neke druge osobe koja je prisutna kao posamtrač,
- Ako ne prihvata ribu meredovom,
- Ako se u čamcu ponaša nekorektno, ustaje i dovodi u opasnost sudiju i drugog takmičara,
- Ako ne postupa po naredbama sudija, koje su izričite i vezane za prekid takmičenja, ovjeru Evidencionih listova (FFY-03) i prepravljavanje i dopisivanje bilo kakvih podataka na njih ili brisanje podataka.

Član 66.

Za sve izrečene crvene kartone takmičaru se zabranjuje takmičenje na vremenski period od 1 godine, a za izrečeni crveni karton zbog korištenja udica sa kontra kukom na 2 godine na svim takmičenjima koje organizuje SRS BiH.

Član 67.

U toku takmičarske sezone, žuti kartoni se akumuliraju, što znači da takmičar, koji dobije drugi žuti karton, slijedeće kolo lige ne lovi, a bodovi mu se obračunavaju po Članu 60. ovog Pravilnika. Primjer: takmičenje se provodi u 6 kola, na prvom i drugom kolu takmičar dobije po jedan žuti karton. Kažnjava se sa ne nastupanjem u trećem kolu i nastavlja sa takmičenjem u slijedećem kolu. Kod ekipnog takmičenja, uvodi se prijavljena zamjena na prvom kolu lige. Ova dva dobivena žuta kartona se ne uvode kao dobiveni crveni karton.

Član 68.

Glavni sudija može izreći opomenu i diskvalifikaciju takmičaru, prije početka takmičenja u fazi pripreme takmičenja, žrijebanja, otvaranja takmičenja, za vrijeme takmičenja i poslije takmičenja, sve dok svi takmičari ne napuste mjesto takmičenja (rijeku ili jezero i to 3 sata po završetku takmičenja, s tim da poslije takmičenja mora to prijaviti Delegatu i evidentirati u svoj Izvještaj, te evidentirati vrijeme nastanka prekršaja i navesti svjedoke nastanka prekršaja.

Sudijski kolegij verifikuje izdate žute kartone, a žiri takmičenja verifikuje date crvene kartone. Glavni sudija i Delegat moraju u svom izvještaju obavezno navesti uzroke dodjele žutih i crvenih kartona, te uzeti izjavu takmičara kom su dodijeljene kazne. Ako takmičar ne želi dati izjavu, to se konstatuje u izvještaju uz prisutnost sekretara takmičenja.

Član 69.

Za nekorektno suđenje te u toku takmičenja:

- dopuštanje takmičarima povredu Pravilnika takmičenja,
- nekorektno kretanje pored staze i svađu sa takmičarima,
- ulazak u vodu za vrijeme takmičenja i ometanje takmičara,
- lažiranje podataka, upisom netačnih podataka u Evidencioni list (FFY-03)
- kašnjenje u provođenju satnice i dolazak na takmičenje.

Startnom sudiji, sektorskom sudiji mogu se izreći mjere opomene, isključenja sa tekućeg takmičenja pa i zabranu suđenja na takmičenju koje je u toku.

Član 70.

Opomene izriče sektorski sudija startnom, a Glavni sudija sektorskom sudiji.

Isključenje – zamjena sudija na stazi izvršit će Glavni sudija, a verifikaciju provodi sudijski kolegij koji putem Zapisnika o tome obavještava Sudijsku komisiju SRS BiH, koja protiv okrivljenog sudije pokreće prekršajni postupak, skladno Pravilniku o disciplinskoj odgovornosti učesnika SRT u BiH.

- PROGLAŠENJE REZULTATA TAKMIČENJA

Član 71.

Objava rezultata sektorskih plasmana, uključujući pojedinačne i sektorske plasmane ekipa, mora biti objavljena na pauzi kod promjene sektora ili najkasnije 2 sata po završetku takmičenja u sektoru. Konačne rezultate takmičenja gdje su uključeni pojedinačni i ekipni plasmani obvezno je objaviti u roku od 3 sata od završetka takmičenja u zadnjem sektoru. Ako se rezultati obrađuju na računaru ova vremena mogu biti kraća, ali ni u kom slučaju ne smiju preći predviđena vremena iz prethodnog stava.

Član 72.

Dnevni rezultati i rezultati pojedinih kola smatrat će se privremenim 1 sat nakon oficijelne objave od strane sekretara takmičenja. Vrijeme objave rezultata biti će jasno navedeno u tabeli sa rezultatima, kako bi se pravovaljano mogle uputiti žalbe žiriju takmičenja. Za provjeru objavljenih rezultata odgovoran je kapiten ekipe kod ekipnog takmičenja, a kod pojedinačnog sam takmičar, njegov trener ili vođa ekipe.

Član 73.

Ukoliko nema primjedbi, objavljeni rezultati nakon isteka privremenog vremena smatrat će se konačnim. I neće se ponovo objavljivati na oglasnoj ploči, s tim što sekretar takmičenja, mora na istim napisati i svojim potpisom ovjeriti da su to konačni rezultati takmičenja.

Član 74.

Takmičarski žiri u razmatranje uzet će samo primjedbe koje su pristigle u pismenoj formi sekretaru takmičenja u toku privremenog perioda i za koje je plaćena taksa od 50 KM. U slučaju da se utvrdi da je primjedba tačna, podnosiocu žalbe biti će vraćen polog novca, a u suprotnom navedeni novac će se uplatiti na žiro račun SRS BiH za što je odgovoran sekretar lige - takmičenja. Sekretar o nastalom sporu mora voditi službeni Zapisnik i isti dostaviti TK SRS BiH.

Član 75.

Iz poštovanja prema domaćinu i svim sponzorima svakog takmičenja, svi registrovani učesnici i timovi obavezni su prisustvovati svim oficijelnim događajima navedenim u satnici takmičenja, posebno na otvaranju i zatvaranju takmičenja.

Član 76.

Po završetku takmičenja svih kola Premijer lige ili sva sektorska takmičenja kod ekipnog takmičenja i izračunavaju se plasmani i obavlja se svečano proglašenje rezultata. Nakon održanog zadnjeg kola takmičenja u kalendarskoj godini uručuju se priznanja SRS BiH. Prva tri takmičara u pojedinačnoj konkurenciji dobivaju medalje, a prvih pet dobija diplome za osvojeno mjesto. Pobjednik pojedinac dobija pehar na kome je ugraviran tekst:

„ Šampion BIH u FLY FISHINGU za 20 __godinu. „

U zadnjem kolu lige za tekuću godinu proglašava i reprezentacija SRS BiH, koja mora odmah održati sastanak sa selektorom reprezentacije i dogovoriti se o učešću takmičenja u reprezentaciji, pripremama i međusobnoj komunikaciji do odlaska na međunarodna takmičenja.

U Ekipnoj konkurenciji prve tri ekipe dobivaju pehar i medalje za osvojeno mjesto, te prva ekipa preuzima prelazni pehar SRS BiH, ostale ekipe dobivaju diplome, a takmičari prve tri ekipe dobijaju medalje i diplome za osvojeno mjesto u ekipnoj konkurenciji. Medalje imaju pravo primiti 3 takmičara, kapiten i rezervni takmičar. Pobjednička ekipa stiče titulu:

„Šampion BIH za 20__godinu. „

Član 77.

Priznanja uručuju domaćini, Delegat takmičenja i osoba koju ovlasti Takmičarska komisija SRS BiH, odnosno Upravni odbor SRS BiH.

Član 78.

Za najkorektnijeg pojedinca i ekipu na službenim pojedinačnim liga takmičenjima u KUP takmičenju dodjeljuje se diploma za „fer play“ ponašanje pojedinca ili ekipe, o čemu donosi odluku Delegat lige uz preporuku Komesara lige.

- SISTEM SPORTSKO RIBOLOVNIH TAKMIČENJA U FLY FISHINGU U BiH

Član 79.

Sportsko ribolovna takmičenja u disciplini „FLY FISHING“ u okviru organizacione strukture SRS BiH stepenovan je i odvija se po nivoima:

- **79.1. DRUŠTVENA TAKMIČENJA** su takmičenja pojedinaca i služe kao izborna udruženjska takmičenja za izbor ekipe udruženja i pojedinaca za regionalna i entitetska ekipna i pojedinačna takmičenja,
- **79.2. REGIONALNA ekipna i takmičenja pojedinaca** za izbor ekipa i pojedinaca za nastup na entitetskim takmičenja,
- **79.3 ENTITETSKA TAKMIČENJA pojedinaca i ekipa** koji su sa društvenih i regionalnih takmičenja ostvarili plasman na takmičenju na prvenstvu entiteta i u cilju odabira pojedinaca koji će iz Entitetskog saveza učestvovati u pojedinačnoj Premijer ligi SRS BiH, te na KUP-u BiH (ekipna takmičenja),
- **79.4. DRŽAVNA takmičenja za ekipe udruženja i pojedince** koji su ostvarili plasman u neku od liga u organizaciji SRS BiH ili na KUP SRS Bosne i Hercegovine. U Premijer ligu se iz svakog entitetskog takmičenja plasiraju po prvih 5 takmičara , a na KUP takmičenje u Fly Fishingu plasiraju se po 5 prvoplasiranih ekipa sa entitetskih takmičenja,
- **79.5. POZIVNI TURNIRI I KUP-ovi ekipno i pojedinačno** su takmičenja koja organizuju društva i entitetski savezi, a koji na njihov zahtjev žele da uđu u Kalendar SRS BiH, organizuju se pod pokroviteljstvom SRS BiH, a društva i savezi stiču određene beneficije vezane za pomoć, kako materijalnu tako i organizacijsku uz delegiranje najkvalitetnijih sudija,
- **79.6. MEĐUNARODNA TAKMIČENJA U ORGANIZACIJI SRS BiH, ekipna i pojedinačna** su takmičenja koja organizuje Sportsko ribolovni savez BiH, a koja su dobijena od strane FIPS-MOUCHE federacije ili druge Asocijacije, a služe za afirmaciju i dalji razvoj mušičarskog sporta u BiH. To su :

79.6.1. - KUP JADRANSKO PODUNAVSKIH ZEMALJA U FLY FISHINGU, (ekipno)

79.6.2. - EVROPSKO PRVENSTVO U FLY FISHINGU (kategorija juniori i seniori)

79.6.3. - SVJETSKO PRVENSTVO U FLY FISHINGU (kategorija juniori i seniori)

Član 80.

Ovaj pravilnik utvrđuje broj učesnika takmičenja u Premijer ligi SRS BiH i KUP-u BiH / ekipno takmičenje kako slijedi:

- **PREMIJER LIGA SENIORI** , koja broji 22 takmičara obrazovana je sa po 11 takmičara iz entiteta. Liga se provodi kroz **5 kola** (5 nedelja 4 rijeke x 2 sektora) uz obvezno jedno takmičenje na jezeru kao završno kolo u kojem učestvuje 12 prvoplasiranih takmičara, lov ribe iz čamca. Na kraju provedenog takmičenja iz lige ispada 10 posljednjih plasiranih takmičara, a isto tako u ligu ulazi po plasmanu 10 novih takmičara sa entitetskih prvenstava i to (5 +5 iz svakog entiteta).
- **KUP SRS BiH** (za sada do ispunjenja uslova ekipno takmičenje) za seniore u kom učestvuju prošlogodišnji branilac kupa, te ekipa domaćina KUP-a koji ulaze u sastav od po 5 ekipa iz entitetskih Saveza što je ukupno 10 ekipa na KUP-u BiH (ekipom prvenstvu). Ako neka ekipa koja se plasirala na KUP odustane, poziva se slijedeća ekipa po plasmanu iz entitetskog saveza iz kog je ekipa odustala, a ako se taj uslov ne može ispuniti, poziva se ekipa koja to želi iz drugog entiteta.

Pobjednik KUP-a BiH u Fly Fishing-u i drugoplasirana ekipa u tekućoj godini stiče pravo nastupa na KUPU – JADRANSKO - PODUNAVSKIH ZEMALJA u narednoj godini, gdje dva kluba zvanično predstavljaju SRS BiH na JPK.

- **PREMIJER LIGA ZA JUNIORE, U-18.** Svaka liga broji 10 takmičara, obrazovana je u početku tako da je iz entitetskih saveza popunjava 5+5 takmičara. Ligu napušta svake godine

po 4 takmičara. Od prvih 5 takmičara formira se reprezentacija juniora u Fly Fishingu za kategorije U-18. koja ima pravo nastupa na svjetskim i evropskim takmičenjima juniora u Fly Fishingu. Ako liga nema 10 takmičara ista ce se organizovati kao „Otvoreno prvenstvo BiH“ za tu kategoriju sa maksimalno 2. kola takmičenja, radi smanjenja troškova i izbora reprezentacije za ovu kategoriju takmičenja i to sve dok se ne stvore uslovi popunjavanja iz entitetskih saveza.

- OBRAZOVANJE REPREZENTACIJA SRS BiH

Član 81.

Odmah po okončanju zadnjeg kola lige, kada se izvrši proglašavanje rezultata, Selektori reprezentativnih selekcija za kategoriju seniora i juniora skladno Pravilniku o reprezentativnim selekcijama sazivaju sastanak prvoplasiranih takmičara u ligi ili kod ekipnog takmičenja sastanak prvoplasiranih ekipa i proglašava reprezentaciju BiH za tekuću godinu u ovoj disciplini.

Selektori reprezentacija preuzimaju dalju brigu oko priprema reprezentacije zajedno sa članom Stručnog tima, koji je određen da prati tu reprezentaciju, a skladno Programu koji je obavezan podnijeti Takmičarskoj komisiji selektor na početku takmičarske godine na koji će saglasnost dati Upravni odbor SRS BiH.

Član 82.

Selektor reprezentacije upoznaje reprezentativce sa programom priprema reprezentacije, planom odlaska na međunarodna takmičenja, način okupljanja, osiguranja sponzorskih sredstava i obveza koju ima svaki reprezentativac u fazi priprema za međunarodne nastupe.

Od 6 takmičara iz Premijer lige BiH, selektor obrazuje seniorsku reprezentaciju **BiH za međunarodna takmičenja**.

Šest prvoplasirana takmičara u Premijer ligi BiH ulaze u reprezentaciju direktno po plasmanu, za narednu godinu iz tekuće godine, a ukoliko neko odustane od šest prvoplasiranih pravo nastupa ima sledeći takmičar po plasmanu

Član 83.

Reprezentacija se obrazuje, oprema, priprema i upućuje na evropska, svjetska prvenstva i druga međunarodna takmičenja saglasno Pravilniku o reprezentativnim selekcijama SRS BiH. Odluku o odlasku reprezentacije na međunarodna takmičenja donosi Upravni odbor SRS BiH na prijedlog Takmičarske komisije i selektora reprezentacije.

- PRELAZNE I ZAVRŠNE ODREDBE

Član 84.

Ovaj Pravilnik dopunjen je i izmijenjen je na temelju Pravila za FLY FISHING, međunarodne Federacije FIPS-MOUCHE, donesene 2015 na Kongresu u Meksiku. Njegovim donošenjem prestaju da važe odredbe Pravilnika koji je Upravni odbor SRS BiH donio _____ godine.

Član 85.

Službeni dokumenti na kojima se provode SRT u Fly fishingu su:

- Prijavni list za takmičenje pojedinaca.....FLY-02
- Prijavni list za takmičenje ekipno.....FLY-03
- Startni list takmičenje.....FLY-04
- Dnevnik takmičenja pojedinačni i ekipni.....FLY-05
- Dnevnik takmičenja u Fly Fishingu (ekipni 3 sektora).....FLY-07
- Obrazac Izveštaj Delegata natjecanja.....DIT-01
- Obrazac Izveštaj Glavnog sudca.....SIT-01
- Finalni zbirni rezultati.....FLY-06
- Zbirni dnevnik za 3 kola Premijer FF lige.....FLY-08

- Upute za pojedinačni žrijeb u Premijer ligi BiH.....FLY-10
- Upute za žrijeb ekipnih takmičenja (KUP).....FLY-11
- Listić sa kombinacijama za žrijeb 10 ekipa 3 sektora kod ekipnih takmičenja sa 3 takmičara u ekipi.....FLY-12
- Isplata troškova.....TRO-01

Član 86.

Za rezultate koji nisu pisani na propisanim obrascima odgovornost snosi Delegat takmičenja osim ako se takmičenje vodi na računaru i tada se moraju sačuvati svi podaci kao i obrasci, te dostaviti na disketi ili pisanom obliku u Kancelariju SRS BiH.

Član 87.

Prilikom održavanja takmičenja Delegat, Glavni i sektorski sudija i Sekretar takmičenja moraju kod sebe imati ovaj Pravilnik i dužni su ga na zahtjev vođa ekipa i žirija istima predočiti, radi eventualno razjašnjavanja nekih odredbi koje su se tokom takmičenja pojavile kao sporne.

Član 88.

Za međunarodna takmičenja čiji je domaćin SRS BiH, važe isključivo odredbe Pravila FIPS-MOUCHE Federacije. Dodatna pravila koja će za svako konkretno takmičenje propisati SRS BiH, putem TK SRS BiH i Organizacionog odbora prvenstva.

Član 89.

Pravilnik stupa na snagu danom donošenja a njegovim donošenjem prestaju da važe odredbe Pravilnika donesenog **2018** godine. Pravilnik će biti u roku od 7 dana objavljen u službenim glasnicima SRS BiH (Bilten TK, WEB PORTAL - SRS BiH) i moći će se preuzeti u Download zoni.

Član 90.

Tumačenje Pravilnika vrši Takmičarska komisija, a izmjene i dopune Pravilnika će se vršiti automatskom prilagodbom na promjene pravila FIPS-MOCHE Federacije na prijedlog Takmičarske komisije koje vrši Upravni odbor SRS BiH.

SARAJEVO, 07.04. 2018.g.
Broj: 127/2018



PREDSJEEDNIK UPRAVNOG ODBORA
SRS BiH
Đorđe Klepić

